



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ՎԱՐՉԱԿԱՆ ԱԿՏ N 1508828

ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

02 հուլիսի 2020թ.

Բ. Երևան
(կազմման վայրը)

Ակտի հասցեատերեր

«Ունիվերսալ» ՍՊԸ

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

0	1	2	1	5	3	4	9
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

Արարատի մարզ, ք.Մասիս, Սիսակյան 18Վ, 5

(անհատ ձեռնարկատիրոջ հաշվառման հասցեն կամ իրավաբանական անձի գրնվելու վայրի հասցեն)

Խախտման նկարագրությունը

ՀՀ ՊԵԿ ՀՕՀՎ պետի 20.05.2020թ-ի թիվ 1508828 որոշման համաձայն «Ունիվերսալ» ՍՊԸ-ի նկատմամբ իրականացված օպերատիվ հետախուզական միջոցառումների արդյունքում պարզվել է, որ 03.06.2020թ-ին ժամը 12:45-ի սահմաններում Ընկերության վարորդ Սերոբ Հովհաննիսյանը Արարատի մարզ, գ.Դարբնիկ հասցեում գտնվող Ընկերության ավագի հանքավայրից «Կամազ» մակնիշի 595 LS 61 համարանիշի ավտոմեքենայով՝ «Խաչհար» ՍՊԸ-ին մատակարարելու նպատակով, տեղափոխում էր 8մ³ ավազ, 1մ³ արժեքը 3.600 ՀՀ դրամ:

ՀՀ ՊԵԿ տեղեկատվական համակարգի ուսումնասիրությամբ պարզվել է, որ ընդհանուր 28.800 ՀՀ դրամ արժողությամբ ապրանքի տեղափոխության համար Ընկերության կողմից 03.06.2020թ-ին ժամը 12:45-ի դրությամբ դուրս չի գրվել համապատասխան հաշվարկային փաստաթուղթ:

Վերոգրյալը հաստատվել է Ընկերության գլխավոր հաշվապահ Գարեգին Ղարազյոզյանի կողմից 03.06.2020թ-ին տրված գրավոր հայտարարությամբ:

Թիվ 1508828 արձանագրությամբ 03.06.2020թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել վարչական վարույթին: Գործում առկա չեն լրացուցիչ ապացույցներ, չեն ներկայացվել միջնորդություններ:

Այսպիսով, խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ

մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ հարկային օրենսգրքի 410-րդ հոդվածի 1-ին մասի 2-րդ կետի «ա» ենթակետով, համաձայն որի՝ «Օպերատիվ-հետախուզական գործունեության մասին» Հայաստանի Հանրապետության օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման կամ ապրանքների հետագծելիության ապահովման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուղեկցող փաստաթղթով կամ առանց ուղեկցող փաստաթղթի կամ առանց ապրանքների հետագծելիությունն ապահովող էլեկտրոնային սարքի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ սույն մասի 1-ին կետում նշված խախտումն արձանագրվելուց հետո՝ մեկ տարվա ընթացքում՝ խախտման երկրորդ փաստ արձանագրվելու դեպքում գանձվում է տուգանք՝ անփաստաթուղթ ապրանքների գնի (արժեքի) 100 տոկոսի չափով, բայց ոչ պակաս 500 հազար դրամից:

Տվյալ դեպքում «Ունիվերսալ» ՍՊԸ-ի կողմից խախտումը վերջին 1 տարվա ընթացքում կատարվում է երկրորդ անգամ (ՀՀ ՊԵԿ ԻՎ 24.10.2019թ-ի թիվ 1506642 վարչական ակտ): Ապրանքների ընդհանուր գումարը կազմել է 28.800 ՀՀ դրամ, որի 100 տոկոսը կազմում է 28.800 ՀՀ դրամ, ուստի օրենսդրական պահանջից ելնելով «Ունիվերսալ» ՍՊԸ-ի նկատմամբ կիրառելի է 500.000 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

1. Հաշվարկել «Ունիվերսալ» ՍՊԸ-ին գանձման առաջադրել 500.000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝


	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածով սահմանված տուգանք ընդամենը, որից՝	500.000	պետական բյուջե	900008000490

2.Ընդունել ի գիտություն՝

- 1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:
- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնատար անձի
պաշտոնը, անունը և ազգանունը



ստորագրությունը

Կ.Տ.

Ստացա ակտի մեկ օրինակը

ընդամենը 3 էջ

տնօրեն Ռուբեն Բաղդասարյան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր նշումով) իրավաբանական անձի գործադիր
մարմնի ղեկավար (գրագրության ընդունման համար
պատասխանատու անձ՝ հաշվով առաքման դեպքում)

ստորագրությունը

„_____” _____ 2020թ.